

Nacrt zakona o osiguranju depozita BiH štediša predstavljen državnim i entitetskim ministrima

Nakon nekoliko mjeseci intenzivnog rada, radna grupa, sastavljena od predstavnika vlada oba entiteta i međunarodnih bankarskih eksperata, je ove sedmice državnim ministru za trezor, ministru finansija Federacije BiH i zamjeniku ministra finansija Republike Srpske predstavila Nacrt zakona kojim će se formirati Agencija za osiguranje bankarskih depozita na državnom nivou, na taj način štiteći uloge štediša u Bosni i Hercegovini u iznosu do 5.000 KM u bankama koje su članice Agencije.

Trenutno postoje zasebne agencije u oba entiteta, ali samo Agencija u Federaciji posjeduje fond rezervi. Početkom ove godine zakonom o osiguranju depozita formirana je Agencija za osiguranje depozita Republike Srpske, ali ova agencija nema uspostavljen fond rezervi. Prema predloženom zakonu, štediše iz Republike Srpske će u izabranim bankama na isti način biti zaštićeni kao i štediše iz Federacije.

Po usvajanju zakona formiraće se nova profesionalna, neprofitna i nezavisna agencija koja će poslovati po strogim finansijskim standardima i koja će direktno biti odgovorna Upravnom odboru čiji će članovi biti predstavnici Centralne banke BiH i obje entitetske vlade. Razlog za osnivanje Agencije za osiguranje depozita je potreba da se povрати izgubljeno povjerenje štediša u bankarski sistem. Dosadašnje iskustvo iz Federacije je izuzetno pozitivno i pokazuje rapidan rast depozita u šest banaka koje su već članice Agencije.

Vlade Sjedinjenih Američkih Država i Njemačke su ranije donirale po

10 miliona KM svakoj entitetskoj agenciji kako bi se formirao siguran fond rezervi a sada su se dogovorile da svaka od ovih vlada donira novih 5 miliona KM fondu koji bi pokrивao cijelu BiH. Osim toga, donošenjem zakona bi se ispunio uslov Svjetske banke potreban za puštanje slijedeće tranše kredita Republici Srpskoj.

Prilikom predstavljanja teksta nacрта zakona predstavnici radne grupe, uključujući predstavnike OHR-a i GTZ-a, su ukazali na potrebu da se zakon brzo usvoji i sprovede kako bi se ispunili vremenski rokovi koje su postavile donatorske organizacije.